

James

Videhtly'aa

1 ¹Shij James t'ihchy'aa, Gwiti', Diik'eegwaadhat Jesus Christ haa gootsyaa ihlij. Jii dehtly'aa t'ee jii nankat nihky'aa datthak gwik'injijii najj goodivee goozu'.

Gwik'injigwiighit, Gwaroonzhij Haa

²⁻³Shachaa najj! Nakhwaa googwantrii daj' gaa nihk'it shoo qhlij, jii kwaii datthak geenjit gaayiich'adhohtsajj ji' t'ee gwik'injigwiighit gweheent'aa. ⁴Nihk'it akhagoohnyaq kwaa ji', dinjii nizij gwik'injijii hohlyaa t'oonchy'aa. ⁵Nakhwalat najj gaashoondaii niindhan ji', K'eegwaadhat ts'a' khadigiinjii, juu khadigiinjii najj datthak ch'eegoonzhrij ts'a' shoo haa k'eegwahahthat. ⁶Khadagohjii daj' K'eegwaadhat sheenjit jyaa deehee'yaa kwaa nohkhya' shro'! Juu jyaa dinchy'aa ji' t'ee zhit chuq choh kat tit haa neehitr'ak ahtsii k'it t'ihchechy'aa. ⁷⁻⁸Juu sheenjit K'eegwaadhat jyaa dihee'yaa kwaa niindhan ajj K'eegwaadhat ts'an gwahaah'yaa kwaa. Datthak dee'in gwizhit gwinzii deegweheechy'aa gaandaii kwaa geh'an.

Dinjii Neeshraahchy'aa chan ts'a' Dinjii Valaraa Gwanlii Najj Haa

⁹Dinjii gwik'injiighit, neeshraahchy'aa ajj K'eegwaadhat daagineeyehilchij ji' geenjit shoo oolj'. ¹⁰Ajj dinjii valaraa gwanlii gwik'injiighit chan K'eegwaadhat zhak gineeyehilchij ji' geenjit shoo oolj'. Ajj dinjii valaraa gwanlii gwanzhij gwinzii vigweech'in k'it khan viheekwaa. ¹¹Ajj gwanzhij shreedhaa an yahahtsyaa ts'a'

iizųų heelyaa. Aġġ gwik'it aġġ dinjii valaraa gwanlii khan valaraa heekwaa ts'a' an heelyaa.

Juu Vaagogwantrii Gaa Nihk'it Gwik'injiighit Naġġ

¹² Aġġ juu dinjii vaagogwantrii gaa, nihk'it gwik'injiighit ji' t'ee shoo heelyaa, gwandaii ndaanaa'aj' kwaa gaayiihaatsyaa. Aġġt'ee K'eegwaadhat juu yeet'iindhan naġġ int'l'eeyehee'aa t'oonchy'aa. ¹³ Dinjii vaagogwantrii geh'an datr'agwaanduu gwiłtsaġġ ji', "Jii gogwantrii kwaii K'eegwaadhat vats'an t'igwii'in," doonya' shro'! Aġġts'a' K'eegwaadhat chan duuyeh vatr'agwaanduu gwanlii geh'an duuyeh dinjii atr'agwaanduu gwahtsii. ¹⁴ Gaa aġġ dinjii tr'agwaanduu t'ooshi'ya' yiindhan geh'an gwizhrġh vatr'agwaanduu gwanlii. ¹⁵ Jii gwiizųų t'ooshi'ya' yiindhan kwaii geh'an vatr'agwaanduu gweheelyaa. Aġġ tr'agwaanduu t'ii'in ts'an t'ee ch'ichġ' heelyaa.

¹⁶ Shalak naġġ neenakhwaroon'ee shro'! ¹⁷ Jii nankat jidii nizġġ diit'l'eeriin'aġġ t'ee zheekat gwats'an t'inchy'aa. K'eegwaadhat t'ee zheekat gwats'an ch'aadrii tthak chan gwiłtsaġġ. Shree t'ee tqo, drin haa neegwa'ak gwik'it K'eegwaadhat ch'ġjuk needaatsik kwaa t'inchy'aa, aġġts'a' khit diits'a' nizġġ. ¹⁸ K'eegwaadhat łyaa ł'ıdidlii haa viginjik k'ġghai' diiniłtsaġġ. Izhit geh'an t'ee gwandaii datthak andaa tr'ihil'ee.

K'eegwaadhat Viginjik Oodqoġk'ġġ ts'a' Gwik'it T'akhwa'in

¹⁹ Shachaa naġġ, nakhweet'ihthan shoodqoġk'ġġ! Ch'oodqoġk'ġġ ts'a' khagihinkhyaa ji' deehiinjyaa gininjich'ahthat. Khan nik'ġgohohghii shro'! ²⁰ Dinjii k'ġgwahaadhak aġġt'ee K'eegwaadhat ts'an gwitr'it t'oonchy'aa kwaa. ²¹ Jidii nakhwatr'agwaanduu gwiizųų gwanlii datthak akhagoohnyaa. Gqhdaii gwizhit ndak t'ohchy'aa kwaa haa K'eegwaadhat nakhwats'a' t'ohthan. Viginjik qġjii ji', neenakhwahahshii t'inchy'aa.

²² Zhyaa K'eegwaadhat viginjik qoġk'ġ' shro' gaa deenakhwarahnyaa gwik'it t'akhwa'in. ²³⁻²⁴ Aġġ juu zhyaa K'eegwaadhat viginjik oołk'ġġ ts'a' gwik'it t'ii'in kwaa, aġġt'ee dinjii vizhit needaraa'in zhit needadaa'ya' t'l'eę nats'aġġ viyiichy'a' ginildee k'it t'inchy'aa. ²⁵ Gaa aġġ juu K'eegwaadhat Viginjik shroodiinyaġġ zhrġh k'it ahaa t'ee dinjii gadahahchyyaa. Aġġts'a' dee'in datthak ideenjit shoo heelyaa. Ch'oołk'ġġ ts'a' gwik'it t'ii'in geh'an.

26 Juu K'eegwaadhat haa ihłji niindhan? Aji juu dighit gwik'indeedaq̄tii kwaa t'ee K'eegwaadhat haa nilii kwaa ts'a' yee'at k'i'an hee niinjich'adhat. 27 Lyaa Diiti' K'eegwaadhat vaa oihłi' niindhan ji', jii kwaii jyaa dini'in; Tr'iinin chiitee aji's'a' tr'injaa vakai' niindhat goovaagogwantrii naji, ts'iinyaq̄ ts'a' tr'agwaanduu t'ini'yaa gwits'i' adak'aq̄ntii.

Neeshraahchy'aa Najj Hq̄h'ee

2 1 Shachaa najj, datthak Diik'eegwaadhat, Jesus Christ vich'eegwahndit zhit gwik'injiriighit, aji veh'an dinjii nats'aq̄ vigweech'in eenjit nihłehjuk vats'a' dinjii q̄hłi' shro'! 2 Dinjii valaraa gwanlii gwach'aa nizji naazhii aji's'a' dinjii neeshraahchy'aa vagwach'aa ch'aa haa nakhwatr'igiinkhii zheh nihdeegiin'oo ji' yu'? 3-4 Gaa aji dinjii valaraa gwanlii aji gwinzii heedyaa naq̄hchii ts'a' dinjii neeshraahchy'aa chan, dachan chyah kat dhindii vaiinyaq̄ ji' t'ee, dinjii neeshraahchy'aa, aji's'a' dinjii valaraa gwanlii haa nihłehjuk goots'a' dinjii inlii lee t'iinyaq̄? Jyahts'a' dinjii inlii ji' t'ee tehk'aq̄ tr'agwah'in t'ini'yaa.

5 Ch'oodq̄q̄h'łi, shachaa najj nakhweet'ihthan! Dinjii neeshraahchy'aa najj t'ee K'eegwaadhat gwhitee tr'agoovinlii gwik'injijii giheelyaa eenjit. Gooveet'iindhan geh'an, zhee kat Gweegwinii'ee gwizhit gwahq̄h'yaa, goovaiinya'. 6 Gaa nakhwan, aji neeshraahchy'aa najj khadhoo'ee kwaa! Valaraa gwanlii najj t'ee khit nakhwach'itsigahaa'e' ts'a' ch'arohkat zheh nihdeenakhwagahahchyaa t'oonchy'aa. 7 Aji najj t'ee Jesus t'injuuhchy'aa voozhri' iizqu gahtsii.

8-9 Jii t'ee K'eegwaadhat Viginjik Dęhtly'aa Choh zhit gwadanakhwat'oo, "Ideet'iindhan googwagt'oo ch'izhii dinjii najj chan eet'iindhan." Jyahts'a' t'akhwa'in ji' lyaa gweheezyaa. Gaa nakhwan aji dinjii nats'aq̄ vigweech'in eenjit nihłehjuk vats'a' dinjii q̄hłi' ji' t'ee tr'agwaanduu gwahtsii aji's'a' K'eegwaadhat Viginjik leedq̄hnaii t'oonchy'aa. 10 Juu K'eegwaadhat Viginjik lat lahnaii t'ee K'eegwaadhat Viginjik datthak lahnaii k'it t'igwiichy'aa. 11 Jii t'ee K'eegwaadhat t'inyaq̄, "Juu veedhindii kwaa haa oiinchi' shro'!" aji's'a', "Dinjii chan ehdaa tr'agoiin'aa shro'!" Ch'aa'inchi' kwaa gaa dinjii ehdaa tr'igwiin'aji ji' t'ee K'eegwaadhat Viginjik datthak leedq̄hnaii k'it t'igwiichy'aa. 12 Dq̄q̄hnyaa ts'a' deekhwa'in aji Gwandak Nizji zhit Law tr'agwaanduu t'akhwa'in gwats'an

tr'ineenakhwarahchij k'it gohdaii. ¹³Juu dinjii neeshraahchy'aa oonyaa kwaa t'ee duuyeh K'eegwaadhat neeshraahchy'aa yuunya. Ch'arohkat Drin zhit ji' aji juu dinjii neeshraahchy'aa oiinya t'ee naajat gwat'aahchy'aa kwaa.

Nats'ahts'a' Gwik'injigwiighit Tr'ihēe'yaa Goo'aii

¹⁴Shachaa naji! K'eegwaadhat veenjit k'eegwiichy'aa t'ini'in kwaa gwiizhit zhyaa, “Gwik'injihkhit!” doinya' shro! Jyaa ni'in ji' t'ee nats'aa neehijnzhii yiindhan? Aji k'it t'inchy'aa gwik'injiighit dii'ji ji' t'ee aji dinjii neehēezhii kwaa. ¹⁵⁻¹⁶Gwik'injijii naji gwach'aa chan ts'a' gihee'aa haa gi'ji kwaa, gwiizhit goots'ihinjyaa kwaa ji', “Nakhwadiveegoozu' ts'a' gwiindhaa oonit'ii ts'a' gwinzii adach'aan'aa,” zhyaa jyaa goovoiinya' shro! ¹⁷Aji t'ee gwik'injiriighit haa nihk'it t'oonchy'aa. Dinjii gwik'injiighit gwiizhit K'eegwaadhat doo'ya' yuunya aji gwik'it t'ii'in kwaa ji' t'ee aji gwik'injiighit dii'ji aji ilchij k'it t'inchy'aa, aji ts'a' duuyeh vit'ineegwaachy'aa.

¹⁸Gaa dinjii jyaanya' ji' yu', “Dinjii ch'ihlak gwik'injiighit aji ts'a' ch'ihlak chan K'eegwaadhat eenjit k'eegwiichy'aa t'ii'in.” Aji dinjii jyaanya' ji', jyaa vakhaihyaa, “Nats'aa K'eegwaadhat veenjit k'eegwiichy'aa t'ini'in kwaa gwiizhit gwik'injinghit shaagwandak, shij aji deeshi'in k'iighai' nats'aa gwik'injiighit gwahaah'yaa.”

¹⁹K'eegwaadhat ch'ihlak zhrjh gwanlii gwik'injinghit? Aji t'ee gwinzii! Ch'anky'aa iizqu naji gaa K'eegwaadhat ch'ihlak zhrjh gwanlii gwik'injigiighit ts'a' naajat haa gaatrat. ²⁰Tr'agohjik kwaa! K'eegwaadhat deenoo'ya' noonyaa gwik'it t'ini'in kwaa, aji t'ee gwik'injigwiighit iizqu t'inchy'aa, nijin ji' gwagwahan'ee? ²¹Yeenii diilak, Abraham, K'eegwaadhat k'eegwitthat nijin didinji' Isaac ataiinjii tr'ahtsii deek'it kat yant'ahchij dai'. Aji geh'an Abraham tr'agwaanduu tr'agwah'ya' kwaa k'it K'eegwaadhat yaah'in.

²²Nik'ee gwaah'in? Vigwik'injigwiighit aji ts'a' dee'ya' haa nihlaa tr'agwah'in t'oonchy'aa, dee'ya' k'iighai' vigwik'injigwiighit nitsii dhidlit. ²³Jii t'ee Dēhty'aa Choh zhit jyaa deegwinya' t'igwinya. “Abraham K'eegwaadhat k'injiighit geh'an tr'agwaanduu tr'agwah'ya' kwaa k'it K'eegwaadhat yaah'in.” Aji t'ee Abraham K'eegwaadhat vijyaa varahnya. ²⁴Jyachts'a' t'ee dinjii dee'in k'iighai' vatr'agwaanduu kwaa k'it K'eegwaadhat yaah'in. Vigwik'injigwiighit zhrjh nakwaa.

²⁵Yeenaa daj! chan izhit gwik'it tr'injaa Rahab laraa t'ij dinjii naji haa dhichji. Gaa dee'ya' k'iighai' vatr'agwaanduu kwaa k'it K'eegwaadhat yaah'in. Ch'adanh nahkat gwats'an niveet'ah'in naji ts'inya' geh'an.

²⁶Jyahts'a' t'ee gwik'iinjigwiighit gwiizhit K'eegwaadhat veenjit tr'agwarah'in kwaa daj!, tr'ichji k'it nihk'it t'igwiichy'aa.

Night Leedeegwəhtin

3 ¹Shachaa naji! Nakhwatee lejii naji tr'igiinkhii zeh gwizhit geech'ohchya' shro'! Izhit geh'an diikhwan geech'oaqhtan naji tr'inlii ts'a' gwik'injiighit naji andaa ts'a' Ch'arohahkat Drin zhit ji' diiroohahkat. ²Datthak ts'a' geete hee yee'at k'ii'an tr'agwarah'in. Dinjii nizii gwik'injiighit aji't'ee gwiizqu t'ihenjyaa gwits'i' khit ts'a' dighit gwik'indeedaqti. ³Lajii choh nitsii diik'eegwahahthat ts'a' tly'ah tsal haa nijuk k'ii'an hoozhi' tr'oonyaa eenjit vighit neeraazhik aji gwik'it. ⁴Ajits'a' chan tr'ihchoo nitsii, ahtr'aii haa neehiilak gaa taq'aji tsal zhrih haa vineerahhdak. ⁵Diikyaa tyaa natsal gaa gwiizqu gwinleji t'inyaq.

Gwaah'in! Kq' tsal haa gwintsii gweheek'an aji gwik'it, ⁶diikyaa kq' k'it t'inchy'aa. Jyahts'a' t'ee dinjii naji digikyaa haa gwiizqu tthak t'iginyaq ts'a' gootr'agwaanduu gwilii, aji kq' t'ee ch'anaky'aa tr'aanduu yahaaky'aa. Diikyaa haa deegwinyaq k'iighai' gwarandaii datthak kq' zhit gwehee'aa. ⁷Dinjii naji nin datthak idigwigwi'e'. ⁸Gaa dinjii ch'ihlak gaa duuyeh dikyaa gwik'it t'ah'in. Iizqu ts'a' chan deeheenjyaa datthak gwik'it t'inyaq, ch'oondaii iizqu k'it veegoo'aii. ⁹⁻¹⁰Diikyaa haa, Zheekat Gwiti' mahsi' varahnyaq ts'a' chan dinjii Vit'eegwijyahchy'aa k'it iltsajii naji chan vaatr'eedeeraajyaa. Shachaa naji jii jyaa dakhwa'ya' shro'! ¹¹⁻¹²Nanzhit k'iizhaa chuqu nizii, chuqu iizqu haa nihlaa khaiinlaii kwaa. Shachaa naji! Aji gwik'it Fig dachan nahshii duuyeh chan vakat olives nahshii t'inchy'aa, akwat jak (grape) t'an nahshii duuyeh chan Figs vakat nahshii t'inchy'aa.

K'eegwaadhat Vigwizhi'

¹³Dinjii goonzhii ji', khit ts'a' gwinzii gwizhrih t'ih'eeyaa. Gwant'oo ideech'iin'in kwaa ji' t'ee nigwizhi' gwanlii t'ihiiinchy'aa. ¹⁴Gaa nidrii zhit dinjiriighit dha'aii ts'a' chan ideenjit gwizhrih ninjich'iindhat. Jyahts'a' K'eegwaadhat Viginjik oots'it tr'ahtsii

k'it t'oonchy'aa. ¹⁵Jii k'it t'inchy'aa ch'igwizhi' yeedaa zheekat gwats'an kwaa t'oonchy'aa, jii nankat chan ts'á' ch'an'ky'aa tr'aanduu haa zhrih goots'an t'inchy'aa. ¹⁶Nijin gwats'á' dinjiriighit ts'á' chan ideenjit gwizhrìh niinjich'aradhat, izhit gwats'an dinjii nàjì tr'eedeenihłagaajyaa ts'á' chan tr'agwaanduu gwigwitr'it gwanlii. ¹⁷Gaa K'eegwaadhat vigwizhi' t'ee shroodiinyaa, deegwaahnyaa, diishrooanjyaa, veeshroonchy'aa, ajiits'á' neeshraahchy'aa niindhan kwaii datthak nilii. Ajiits'á' vigwitr'it gwinzii kwaii chan lejì. Dinjii nàjì inehts'ì' t'inchy'aa kwaa, ajiits'á' dinjii gwik'injiighit kwaa gaa gwik'injiighit adaa'ìjì kwaii chan veenjit kwaa. ¹⁸Gwik'injiighit nàjì nihit'injyaa'ee kwaa ts'á' gwinzii tsinehdan zhit nihłaa tr'agwagwah'in ts'á' izhit gwats'an K'eegwaadhat vigwitr'it gwinzii googwahtsii.

Nihit'injaraa'ee

4 ¹Zhit nihit'injuh'ee, tr'eedeenihłoojyaa haa njin gwats'an tr'idigwiindhat? Gwiizų gwizhit shroonchy'aa gahohtsyaa gwizhrìh gwinkeehoh'ik, ajiit'ee khit nakhwazhit nich'itsahthat, ajiit'ee jyaa dini'yaa kwaa gaanandaii gwiizhit. ²Jidii nothan datthak chan khwa'ìjì kwaa, ajii geenjit chan dinjii eħdaa tr'agwaroo'aa nothan, zhyaa k'aiich'ii nothan gaa khyu' qhjii. Ajii geenjit tr'eedeenihłoojyaa ts'á' nihit'injuh'ee. K'eegwaadhat oohkat kwaa geh'an jidii nothan datthak khwa'ìjì kwaa t'oonchy'aa. ³Ajiits'á' chan ideenjit gwiizų gwizhit shroonchy'aa gahohtsyaa geh'an vach'oohkat dajì' ohdak kwaa. ⁴Jii nankat gwijyaa qhłìjì ts'á' K'eegwaadhat vijyaa qhłìjì kwaa. Nakhwatee juu gwineetak ch'aadhichijì nàjì! Dinjii da'at eet'iindhan izhit gwik'it K'eegwaadhat diineet'iindhan, nik'ee gwah'in? ⁵Dęhtły'aa Choh kat jyaa digwinyaa ajii zhyaa t'igwinyaa noiinghya' shro', “K'eegwaadhat jidii nakhwadrii zhit niin'aji nihk'it vaa gwiizų t'akhwa'ya' nothan.” ⁶Dęhtły'aa Choh kat jyaa digwinyaa “K'eegwaadhat juu yats'á' ndak t'inchy'aa nàjì ts'ì' t'inchy'aa, ts'á' chan juu yats'á' ndak t'inchy'aa kwaa nàjì gwintsii ts'inyaa.” ⁷Ajiits'á' K'eegwaadhat vant'eedoochijì. Ch'an'ky'aa Tr'aanduu vits'ì' t'inchy'aa jì' nihłeedeheedhaa t'inchy'aa. ⁸K'eegwaadhat vats'á' hoiinzhi jì' nats'á' heekhaa. Nakhwagwitr'it gwiizų datthak akhagoohnyaa. Gwik'injiighit adaa'ìjì nàjì akhagoohnyaa, ts'á' K'eegwaadhat ts'á' łihts'eedoq'ee. ⁹Nakhwatr'agwaanduu

gwits'ì' tree haa K'eegwaadhat vik'inkhahi. Nakhwagwitr'it gwiizųų gwiizhit shoo qhì' shrò', geenjit tr'agohdii. ¹⁰ Jii kwaii datthak jyaa dini'in ji' ndak gineenahahchya.

Nihłandaa Gaakhwandaii Yųųkhkhy'a' Shrò'!

¹¹ Shachaa nąjì, nihłeegqòkhkhi kwaa! Aąjì juu jyaadahtan nąjì t'ee K'eegwaadhat Viginjik chan jyaadahtan doonchy'aa. K'eegwaadhat Viginjik eegoochkhi ts'a' nakhweenjit iizųų ji' t'ee aąjì Viginjik k'eegohthat kwaa t'ohchy'aa. ¹² K'eegwaadhat zhrìh diginjik diit'eiin'ąjì. Adan zhrìh neediihahshii akwat an diihahtsyaa. Ch'aroahkat drin zhit ji' adan zhrìh diinoohahkat. Juu ihłjì niindhan eenjit dinjii nąjì eeginkhii ts'a' neenjit iizųų?

Ideech'qòn'ya' Shrò'!

¹³ Juk shoodqòhk'ìjì! Juu jii jyaanyaą nąjì, “Juk drin, nihkaa haa izhit kwaiik'it gwats'a' tr'iheedaa ts'a' shree drin ch'ihłak (one year) tr'ahaaky'aa ts'a' ch'arookwat zeh nigwirehee'aa ts'a' laraa lęjì hałtsyaa.” ¹⁴ Nihkaa naa deegweheechy'aa gaanandaii kwaa! Ch'atr'ał vakwaa neegwiilik k'it neegoo'aii. ¹⁵ Jii aąjì jyaa diinyaą. “K'eegwaadhat k'iighai', gwiihdaii ji' jyaa dishi'yaa.” ¹⁶ Gaa juk aąjì ndak t'iinchy'aa ts'a' gwinzii gwizhrìh ideegiinkhii, aąjì kwaii gwiizųų t'iinyaą t'oonchy'aa.

¹⁷ Aąjìts'a' t'ee aąjì juu dinjii vigwitr'it gwinzii gweheelyaa goo'aii gwiizhit gwik'it t'ii'in kwaa ji' chan vatr'agwaanduu gwanlii.

Dinjii Valaraa Gwanlii Nąjì Deekhwa'in Gwak'qòhtii

5 ¹ Juk dinjii valaraa gwanlii nąjì, shoodqòhk'ìjì! Nakhwadiweegweezųų t'oonchy'aa ohtree ts'a' geenjit tr'agohdii. ² Nakhwalaraa ajat ts'a' (moths) nakhwagwach'aa chan ch'eyin'al! ³ Nakhwa-gold, chan ts'a' silver haa tsuh dhidlit* aąjìts'a' jii tsuh Ch'aroahkat Drin zhit ji' nak'aadagwahaandhal, aąjì geh'an natthąjì' ch'iyehē'aa, kò' dee'in gwik'it. Juk Khaiinkqò Drin zhit gaa tth'aii hee nakhwalaraa nihkat dohłii. ⁴ Juu neenjit gwitr'it t'agwah'in nąjì ininjigwanzhii ts'a' gwinzii googoiinkwat kwaa. Gitr'igii'ee ts'a' geegiginkhii, nik'ee gooviintth'ak? K'eegwaadhat datthak geenjit t'aih di'jì chan gooviitth'ak t'inchy'aa. ⁵ Ch'aroahkat

* 5.3 Tsuh dhidlit t'ee rust t'arahnyaą.

Drin zhit gwats'a' nahgwan gaa, nankat gòhdaii gwizhit òyaa jidii nothtan datthak khwa'iì ts'a' shroonchy'aa gwizhrìh chan gòhdaii. ⁶Dinjii nizii nàì gwiiizqù t'igiizhik diinyaà ts'a' goovèhdaa tr'agwagwa'at ts'a' ideenjit gaa giginkhii kwaa

Vaakhadhanchì' Kwaa ts'a' Khadigiriinjii

⁷Shachaa nàì! Diik'eegwaadhat Jesus oo'ee neeheedyya eenjit nagoodhan'in, dinjii gwaàhshii jidii nahshii eenjit khalchì' kwaa gwik'it. Shreenyaa, shin haa hahtsin eenjit nagwal'in àì gwik'it nan chan nagoodhan'in. ⁸Nihkhaneenoozhi' shrò', Jesus niight kwaa k'ineeheedik goo'ài.

⁹Shachaa nàì, nihèeegòqkhii kwaa, izhit ji', K'eegwaadhat gwiiizqù t'inizhit kwaa nahaanjyaa. Ch'arooahakat gwats'a' niight kwaa t'oonchy'aa. ¹⁰Shachaa nàì, àì juu Dèhtly'aa Choh zhit K'eegwaadhat oozhri' zhit geenjit ginkhii nàì anoondaii, goovaagogwantrii dàì' gaa gwik'injigwiighit akhagagoonyàà kwaa. Àì nàì gook'it'ohchy'aa. ¹¹Nihkhaneegiiijl kwaa geenjit, goovaashroonchy'aa goovaagwiindaii. Job vaagogwantrii gaa nihkhaneezhii kwaa ts'a' ndaagwàà'ài' dàì' K'eegwaadhat yits'iinya'. Jyàhts'a' t'ee Diik'eegwaadhat diineenjit ch'eegoonzhrii àìts'a' ch'èet'igwiniindhan haa di'iì gaagwiindaii.

¹²Shachaa nàì, “Li'haa K'eegwaadhat oozhri' zhit oihts'it kwaa t'ihnyàà!” doinya' shrò! Òyaa aahà' yiindhan ji' gwizhrìh “Aahà” diinyaà, àìts'a' chan nakwaa yiindhan ji' gwizhrìh “Akwaà” diinyaà, àì ji' K'eegwaadhat nagwahàhshii kwaa.

Khadigiriinjii Gwit'eegwaahchy'aa

¹³Nakhwatee nik'ee dinjii vaagogwantrii? Vaagogwantrii ji' khadigiinjii. Nik'ee goovaashroonchy'aa nàì gwanlii? Goovaashroonchy'aa ji' shoo haa K'eegwaadhat vats'a' ch'agooli'. ¹⁴Nakhwatee tr'ìts'ik ji' ch'anjaa gwik'injiighit kìh dilk'ii nàì aanaii ohnyàà. Giiyeenjit khadigiheeyaa ts'a' Jesus voozhri' zhit olive ghwai' haa giikat giheendaii. ¹⁵Gwik'injigwiighit haa K'eegwaadhat vats'a' khadigiriinjii ji' t'ee àì dinjii ìts'ik nàì vaa shreehaanjyaa àìts'a' gootr'agwaanduu gooveenjit oo'an gweheelyaa. ¹⁶Àì ji' t'ee shatr'agwaanduu gwanlii nihàhohjyaa ts'a' nihèenjit khadagahohjyaa. Àì ji' t'ee shrineehaanjyaa. Dinjii K'eegwaadhat k'it gwandaii t'ee khagidiinjii dàì' òyaa

K'eegwaadhat vat'aii gwats'an ahtsii. ¹⁷Elijah t'ee diik'it dinjii inli'. Hahtsin kwaa eenjit khagideedi' ts'a' t'ee 3½ years datthak ahtsin kwaa. ¹⁸Ajitt'ee chan hahtsin eenjit khagideedi' ts'a' ahtsin ts'a' nankat datthak neegwiilzhii.

¹⁹Shachaa naji, nakhwatee juu K'eegwaadhat ts'ii nil'ee ts'a' ch'ihlee K'eegwaadhat ts'a' nineeyaahchii ji', ajitt'ee gwinzii.

²⁰Ajits'a' jii ganoondaii; Aji juu dinjii vatr'agwaanduu gwanlii ch'izhii yits'iinya' ji' t'ee dagwandaii ch'ichi' ts'i' neehahshii. Aji geh'an lejii najii atr'agwaanduu oo'an gweheedaa.